

EW NOMOPUNG

A AWORA UKUKUN ENGON NGOROU CHANA (\$10,000) REN FAN ASENGESIN EW MONIEN PARO NGENI EWE MORTLOCKS COPRA COOPERATIVE ASSOCIATION.

EPWE PUNG ME REN EWE TRUK DISTRICT LEGISLATURE PWE:

Tetten 1. Kaworen Moni. Iei a kawor ukukun engon ngorou chana (\$10,000) seni ewe Monienapen Legislature, ren fan asengesin ew monien paro ngeni ewe Mortlocks Copra Cooperative Association.

Tetten 2. Tumunun Moni. Ewe Kepina non Chuuk, iei a mumuta ngeni an epwe wisen tumunu ei moni mei kawor me ren ei Nomopung. Ewe Kepina epwe fori ika awora ew taropwen etipeew ren ewe paro, ngeni ewe Mortlocks Copra Cooperative Association, epwe nomw ekkei a tettenitiw pwe masowan:

(1) Ewe Monien Paro epwe ukukun engon ngorou chana (\$10,000)

(2) Kamotiw en ei paro epwe iteiten ier, nge epwe ukukun engon ier an epwe kakkamotiw ei monien paro non, ewe aewin kamotiw epwe fis ew ier me murin ewe raan ewe paro a katou non. Ew kamotiw epwe ukukun engorou chana (\$1,000) masowan, tiwenoon chok ewe amuchunoon ier, epwe ukukun ruu ngorou chana (\$2,000) masowan.

(3) Atun chok an epwe kapacheta manawen ewe moni, nupwen an ewe Cooperative Association ese chiwen fiti pungun ewe kamotiw iteiten ier. Ukukun met epwe kapacheta pwe pakkingen ewe napanapengaw, epwe nimu prosentin met esemwo wees ne kamotiw.

Tetten 3. Niwinsefanin Moni. Fansoun si moni mei kawor, fongon me manawan, a kamotiw me ren ewe Cooperative Association, ngeni ewe Kepina non Chuuk, iwe epwene niwinsefan ngeni ewe Monienapen Legislature

Tetten 4. Poputaan Pochokunan. Ei Nomopung epwe poputa pochokunan fansoun chok an a kapungunno me ren ewe Kepina non Chuuk, ika fansoun chok an a pusin winiti ew annuk, inamwo ika ewe Kepina esemwo chiwen apunganno.

Sain seni: *Koichi Sana*
Koichi Sana, Speaker
Truk District Legislature

Annatata: *Datasy Albert*
Datasy Albert
Legislative Clerk/Secretary
Truk District Legislature

Pwinin maram: 7/2/76

A kapungunno seni: *Mitaro S. Dahis*
Mitaro S. Dahis
District Administrative, Truk

Pwinin maram: 7/19/76